



Broj: 01-16-4-524-10/15
Sarajevo, 26. 5. 2015. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-774-1-7/15, od 20.04.2015. godine, donosi sljedeću:

ODLUKU

o izboru najpovoljnijeg ponuđača za nabavku kancelarijskog materijala

I

Prihvata se Preporuka Komisije za nabavke, broj: 01-16-4-524-9/15, od 21.05.2015. godine da se ponuđač **Elkom d.o.o. Vitez**, prvi na rang listi prihvatljivih ponuda, izabere za najpovoljnijeg ponuđača za nabavku kancelarijskog materijala.

Dodjeljuje se Okvirni sporazum o nabavci kancelarijskog materijala izabranom ponuđaču Elkom d.o.o. Vitez, ponuda broj: 206/15, za ponuđenu cijenu od 15.516,20 KM bez PDV-a.

II

Odbacuje se ponuda ponuđača Defter d.o.o. Sarajevo, kao nepotpuna.

III

Okvirni sporazum o nabavci kancelarijskog materijala će se dostaviti na potpis izabranom ponuđaču po isteku roka od 15 (petnaest) dana od dana dostavljanja obavještenja o izboru najpovoljnije ponude svim učesnicima postupka nabavke. Okvirni sporazum će se zaključiti na period od 12 (dvanaest) mjeseci i do vrijednosne realizacije.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što bude obaviješten od strane ugovornog organa o rezultatima postupka nabavke, a prema tački 13.1 tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti u dijelu koji se odnosi na izbor najpovoljnijeg ponuđača i dodjelu Okvirnog sporazuma.

IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH.

V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, www.mhrr.gov.ba i istovremeno uputiti svim ponuđačima koji su učestvovali u postupku javne nabavke.

VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

Obrazloženje

Postupak javne nabavke kancelarijskog materijala je pokrenut Odlukom o pokretanju postupka nabavke kancelarijskog materijala, broj: 01-16-4-524/15 od 03.03.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 41.025,54 KM bez PDV-a. Obavijest o nabavci, broj: 679-7-1-1-3-1/15 objavljena je dana 18.03.2015. godine na Portalu javnih nabavki.

Konkurentski zahtjev za dostavu ponuda za nabavku kancelarijskog materijala je prosljeđen sljedećim ponuđačima: Printerpapir d.o.o. Sarajevo, Pingi d.o.o Sarajevo i Priminvest d.o.o. Sarajevo, dok su tendersku dokumentaciju preuzeli sljedeći ponuđači: Europapier Hercegtisak d.o.o. Široki Brijeg- Poslovnica Ilidža, Officecom d.o.o. Sarajevo, Štamparija Fojnica d.d. Fojnica, Svjetlostkomerc d.d. Sarajevo, Franex trade d.o.o. Sarajevo, Defter d.o.o Sarajevo i Elkom d.o.o. Vitez.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je dana 21.05.2015. godine Zapisnik o pregledu i ocjeni ponuda, broj: 01-16-4-524-8/15 i Preporuku o izboru najpovoljnijeg ponuđača, broj: 01-16-4-524-9/15, u postupku javne nabavke kancelarijskog materijala.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 4 (četiri),
- da je blagovremeno zaprimljeno 4 (četiri) ponude,
- da nije bilo neblagovremeno zaprimljenih ponuda,
- da je dat prijedlog da se 1 (jedna) ponuda odbaci,
- da je ponuda Elkom d.o.o. Vitez prva na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

- | | |
|----------------------------------|-------------------------|
| 1. Elkom d.o.o. Vitez | 15.516,20 KM bez PDV-a, |
| 2. Pingi d.o.o. Sarajevo | 22.421,65 KM bez PDV-a, |
| 3. Svjetlostkomerc d.d. Sarajevo | 23.100,54 KM bez PDV-a. |

Na osnovu utvrđene rang liste prihvatljivih ponuda, na prvom mjestu se nalazi ponuda ponuđača Elkom d.o.o. Vitez u iznosu od 15.516,20 KM bez PDV-a.

Obzirom da je procijenjena vrijednost nabavke prema tenderskoj dokumentaciji iznosila 41.025,54 KM bez PDV-a, Komisija za nabavke je utvrdila da je potrebno od ponuđača Elkom d.o.o. Vitez tražiti obrazloženje neprirodno niske ponuđene cijene. Imenovani ponuđač je u ostavljenom roku, dana 20.05.2015. godine, dostavio obrazloženje neprirodno niske ponuđene cijene u kojem navodi da firma uspješno posluje 22 godine, karakterizira je veoma širok plasman, kvalitetan asortiman, relativno niske cijene i brza isporuka. Također su naveli da su ponuđene cijene za njih tržišne cijene, da garantuju kvalitet robe, te da se ponuđene cijene neće mijenjati u togu ugovorenog period od 12 (dvanaest) mjeseci, odnosno do realizacije ugovora.

Komisija za nabavke je ocijenila da je ponuđač dostavio osnovano obrazloženje i da je isto prihvatljivo i u skladu sa zahtjevima iz tenderske dokumentacije.

Komisija za nabavke je prilikom ocjenjivanja ponuda utvrdila da su ponuđači kao dokaze iz Izjave/Aneks 7 dostavili sljedeće: Elkom d.o.o. Vitez je dostavio referenc listu, a Pingi d.o.o. Sarajevo i Svjetlostkomerc d.d. Sarajevo su dostavili kopije ugovora, te je u skladu sa članom 48. stav (5) Zakona o javnim nabavkama i Izjavom/Aneks 7 tenderske dokumentacije od prvoplasiranog ponuđača tražila originalne potvrde (dokaze) o realizaciji najmanje dva ugovora od čega vrijednost svakog pojedinačnog ugovora nije manja od 15.000,00 KM bez PDV-a. Ponuđač je u roku dostavio tri originalne potvrde o uspješnoj realizaciji ugovora koja se odnose na predmet javne nabavke u prethodne dvije godine, od čega vrijednost svakog pojedinačnog ugovora nije manja od 15.000 KM, izdane od strane Rad Komerc d.o.o. Zenica, Das Komerc Zenica i Štamparije Fojnica d.d. Fojnica.

Na osnovu člana 68. stav (1) i (4) tačka i) Zakona o javnim nabavkama, Komisija za nabavke je utvrdila da je ponudu Defter d.o.o. Sarajevo potrebno odbaciti iz sljedećih razloga: Ponuđač Defter d.o.o. Sarajevo je dostavio Izjavu ponuđača pripremljenu u skladu sa članom 48. stav (2) i (3) Zakona o javnim nabavkama ovjerenu od strane nadležnog organa - Aneks 7, ali nije dostavio niti jedan dokaz da je uspješno realizovao najmanje dva ugovora koja se odnose na predmet javne nabavke u prethodne dvije godine, od čega vrijednost svakog pojedinačnog ugovora nije manja od 15.000 KM (tačka 3.1.4 tenderske dokumentacije). Na osnovu naprijed navedenog, ponuda punuđača Defter d.o.o. Sarajevo se odbacuje jer je nepotpuna.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti i ponude ponuđača Elkom d.o.o. Vitez, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Elkom d.o.o. Vitez je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Uputa o pravnom lijeku:

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.

Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.


MINISTRICA
Semih Borovac
Semih Borovac